



N°939
Entrée le 26.06.2024
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 27.06.2024

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 26/06/2024

Här President,

Sou wéi den Artikel 80 vun eisem Chambersreglement et virgesäit, biede mir lech, dës parlamentaresch Fro un d'Ministesesch fir Mobilitéit an Ëffentlech Aarbechten weiderzeleeden.

Sougenannte Verkéiersspigel fënnt een aktuell nach op villen vun eise Stroossen a Kräizungen. Leider fënnt een zu Lëtzebuerg och nach vill Kräizungen, déi ënnert anerem och wéinst hirer Oniwwersiichtlechkeet eng Gefor fir d'Participanten am Stroosseverkéier duerstellen.

Op lokalem Niveau sinn et d'Gemengevertrieder déi oft am beschten esou Geforeplazen kënnen identifizéieren. An dëse Fäll kann e Verkéiersspigel hëllefen. An der rezenter Vergaangenheet ginn awer Demandë vu Gemenge bei der Administration des ponts et chaussées ofgeleent. Offiziell heescht et, dass esou Verkéiersspiggel net méi placéiert dierfe ginn. Laut eisen Informatiounen geschitt dëst, well déi genannte Spigel keng präzis Aschätzung vun der Distanz vun den Autoen op de betreffende Kräizungen erlaben. Aus Mangel un Alternative bleiwen d'Geforen op dëse Plazen also bestoen. Zousätzlech stelle mir fest, dass a ville Gemengen déi existent Spigelen weder ersat nach fortgeholl ginn.

An deem Zesammenhang wéilte mir der Ministesesch dës Froe stellen:

1. Wéi positionéiert sech de Ministère vis-a-vis vun dëser Problematik?
2. Kann de Ministère de genannte Grond sou konforméieren ? Falls jo, aus wéi enge Grënn ginn dann déi existéierend Spigelen net fortgeholl ?
3. Kann de Ministère eis soen, ob et lwwerleeunge fir Alternativen zu dem Verkéiersspigel ginn ? Falls jo, wéini kennen dës agesat ginn ?

Mat déiwem Respekt,



www.piraten.lu



GOERGEN Marc
Deputéierten



POLIDORI Ben
Deputéierten

